

Lajčák se sastao s Lagumdžijom



Visoki predstavnik i posebni predstavnik EU, Miroslav Lajčák, današnjim je susretom u Sarajevu s Zlatkom Lagumdžijom, predsjednikom Socijaldemokratske partije BiH, nastavio sastanke s višim političkim zvaničnicima Bosne i Hercegovine.

Visoki predstavnik i posebni predstavnik EU naveo je očekivanja od tranzicije OHR-a u EUSR. "Tranzicija OHR-a neće se dogoditi pod svaku cijenu," kazao je Lajčák. "Strategija međunarodne zajednice jest osigurati da Bosna i Hercegovina bude mirna i održiva demokracija na putu ka integraciji u euro-atlantske institucije". "OHR-ova tranzicija predstavlja samo jedan korak ka postizanju toga cilja", istaknuo je Lajčák.

Izloživši pet ciljeva i dva uvjeta za tranziciju OHR-a, Lajčák je kazao da su zahtjev za pozitivnom ocjenom situacije u zemlji i pitanje državne imovine pitanja koja će se najteže riješavati.

Komisija za državnu imovinu BiH je prošlog listopada usuglasila funkcionalno i teritorijalno načelo za raspodjelu imovine, prema kojem bi entiteti dobili u vlasništvo imovinu koja nije potrebna državi.

"Ustavom BiH nije utvrđeno koja razina vlasti dobija kontrolu nad imovinom, tako da je neophodan politički dogovor o ovome pitanju", izjavio je Lajčák. Prijedlog koji je usuglasila Komisija za državnu imovinu prošlog listopada i koji kombinira

načela funkcionalnosti i teritorijalnosti “je dobar osnov za političke razgovore”, dodao je visoki predstavnik i posebni predstavnik EU.